

hidaw haw Sakul

mutiku aca tayni i Sakul nu niyadu' a lalangawan nu putah, u ekimekimman, kala lumelumenian ku sumanah nu caleng. nikudan nu udad sinikatake takelalan, matapal nu maku ku liyuliyutan nu damsayay atu masasungaayay, mahida u nipabeliyan nu paudipay, militemuh i takuwan tu matenesay nu bali atu Sakul nu dihemayay a diwangan nu takelal.

hacacay han nu maku a misasing ku i cabengay a sulit, tungus nu nipikulitan a niculisan, mahida mitisulay a micumud i kasilaluutan nu luma'an a mihca. Sakul nasahenay! lihud satu a milangad mudadiw tu sapilungcaw a dadadiwan.

yu mahida u satabakiay nu enemay a niyadu'an, nikasikawawan tu Cia-li-wan a kawaw, malaliwasak ku binacadan tacuwa hakiya a mihinang, sadikuday eneng satu i Cikep, itida satu patideng tu kakitidaan nu luma'. haymaw sa kaku miasip tu i cabengay anikihulan tu sulit, mahida makaadih tu tawyaay a nisaadidian tu likisi, idaw ku cacayay a tabakiay nu alikakay silusa': tu mabulit tu i nikaydaan nida i sukusukinawan.

muculil i dadan nu Cuo-ceng, makatengil tu suni nu cascascas mudadiw tu sakalalaman a dadadiwan, makaadih tu Tay-pin-yang, Nabakuan, miduduc

tu mata ahebal ku nipiadihan, mahida makaadih tu Pazik a buyu'an, kilulsa tu enal pasayda i malumanay a niyadu'an "ci siwsiwan". kilulsa tinadadanan mucacubelis aca, makatengil kaku tu mihinangay nu binacadan, caaypisengal a masuni i tapiingan tu niculilan nu heni.

i niyadu' ayda idaw ku sakalihalayay atu damsayay, nika idaw henay ku taydaay nu kalas i hekal misalisin tu nu henian, pasubana' amana kapawan tu nanemneman nu tapang, u micudaday atu masakapahay a patideng tu sakalihalay nu sakaudip. muculil i aniwuyuyay nu niyadu' nu cupuan, matengil ku namakakilangay nu malacingay a dadiw nu ayam, u sakahenulan nu niyadu' kuyni. ku mapawan kaku musakamu, tawya misuayaway i takuwan tu nikihulan "cilu' a enal" mapalikat nu cilu' ku niyadu', u kahemekan nu tademaw.

再見撒固兒

回到撒固兒部落的文化廣場，從牆上的圖像字樣，看到了歷史的縮影，也想起以前加禮宛事件，族人顛沛流離的情景。走上佐倉步道，聽著瀑布聲，視野順著美崙山到奇萊平原上舊址「竹窩灣」，族人漂泊多年的記憶傳響着兩旁。

走在寂靜的國福社區街道，樹上發出輕脆的鳥聲，眼前出現的雕塑「平原的火光」光輝動人。